



Broj: 07-11-1241/24
Vogošća, 29.07.2024. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14 i 59/22), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 29.07.2024. godine donio je

**ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE IZRADE IDEJNIH
I GLAVNIH PROJEKATA ZA IZGRADNJU I REKONSTRUKCIJU VODOVODNE I
KANALIZACIONE MREŽE NA PODRUČJU OPĆINE VOGOŠĆA, ZA PERIOD 2024-2026.
GODINA**

Član 1.

LOT 1.

Ponuda ponuđača "Ipsa institut" d.o.o. Sarajevo, ulica Put života bb Sarajevo, odabrana je za pružanje usluge izrade idejnih i glavnih projekata za rekonstrukciju i izgradnju vodovodne mreže na području općine Vogošća, za period 2024-2026. godina, kao prvoplasirana na Rang listi, sa ponuđenom ukupnom cijenom nabavke u iznosu od 28.500,00 KM bez uračunatog PDV-a, odnosno 33.345,00 KM sa uračunatim PDV-om.

LOT 2.

Ponuda ponuđača "TQM" d.o.o. Lukavac, ulica Modrac bb. Lukavac, odabrana je za pružanje usluge izrade idejnih i glavnih projekata za rekonstrukciju i izgradnju kanalizacione mreže na području općine Vogošća, za period 2024-2026. godina, kao prvoplasirana na Rang listi, sa ponuđenom ukupnom cijenom nabavke u iznosu od 23.500,00 KM bez uračunatog PDV-a, odnosno 27.495,00 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 26.06.2024. godine donio Odluku o pokretanju Otvorenog postupka nabavke usluge izrade idejnih i glavnih projekata za izgradnju i rekonstrukciju vodovodne i kanalizacione mreže na području općine Vogošća, za period 2024-2026. godina, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 27.06.2024. godine pod brojem: 1353-1-2-143-3-103/24.

Sažetak Obavještenja o nabavci objavljen je u "Službenom glasniku BiH" broj: 47/24 od 05.07.2024. godine.

Tendersku dokumentaciju sa Portala javnih nabavki BiH je preuzelo 26 (dvadeset i šest) ponuđača.

Krajnji rok za dostavu ponuda bio je 23.07.2024. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 23.07.2024. godine. Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1241/24 iz juna 2024. godine i Izmjeni Tenderske dokumentacije broj: 07-11-1241/24 iz jula 2024. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 4 (četiri) ponude i to:

R.B.	NAZIV PONUĐAČA	LOT	UKUPNA CIJENA (KM) bez PDV-a	POPUST	CIJENA SA POPUSTOM BEZ PDV-A (KM)	UKUPNA CIJENA (KM) sa PDV-om
1.	"Ipsa institut" d.o.o. Sarajevo	1	28.500,00	/	/	33.345,00
2.	"Ipsa institut" d.o.o. Sarajevo	2	43.600,00	20%	34.880,00	40.809,60
3.	"TQM" d.o.o. Lukavac	2	23.500,00	/	/	27.495,00
4.	"Institut za građevinarstvo IG" d.o.o. Banja Luka	1	30.330,00	/	/	35.486,10

Uvidom u priloženu dokumentaciju i suštinskom provjerom sadržaja i validnosti istih, Komisija za javne nabavke je utvrdila da Ponude ponuđača za Lot 1:

- "Ipsa institut" d.o.o. Sarajevo i
- "Institut za građevinarstvo IG" d.o.o. Banja Luka

te Ponude ponuđača za Lot 2:

- "Ipsa institut" d.o.o. Sarajevo i
- "TQM" d.o.o. Lukavac

ispunjavaju formalno pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela pristiglih ponuda ponuđača, te je izvršena računski provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Nakon što je utvrđeno da je ukupna cijena ponude ponuđača "TQM" d.o.o. Lukavac za Lot 2 u ukupnom iznosu od 23.500,00 KM bez uračunatog PDV-a neprirodno niska, odnosno da je za više od 20% niža od cijene drugorangirane prihvatljive ponude za Lot 2 (34.880,00 KM bez uračunatog PDV-a) ponuđača "Ipsa institut" d.o.o. Sarajevo, Komisija za javne nabavke postupajući u skladu sa članom 66. Zakona o javnim nabavkama BiH ("Službeni glasnik BiH", broj 39/14 i 59/22) i u skladu sa odredbama člana 17. stav 7. Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) je aktom broj: 07-11-1241/24 od 23.07.2024. godine zatražila pojašnjenje neprirodno niske cijene ponude ponuđača "TQM" d.o.o. Lukavac.

Ponuđač "TQM" d.o.o. Lukavac je svojim aktom broj: 3-116-5130/24 od 25.07.2024. godine dostavio obrazloženje neprirодно niske cijene koje je Komisija za javne nabavke nakon opsežnog razmatranja jednoglasno prihvatila i uvažila, jer je utvrđeno da je ponuđač dostavio uredno i detaljno obrazloženje razloga ponuđene cijene za Lot 2.

Nakon svega iznesenog, Komisija za javne nabavke je sačinila Rang listu u Otvorenom postupku nabavke usluge izrade idejnih i glavnih projekata za izgradnju i rekonstrukciju vodovodne i kanalizacione mreže na području općine Vogošća, za period 2024-2026. godina kako slijedi:

LOT 1- IZRADA IDEJNIH I GLAVNIH PROJEKATA ZA REKONSTRUKCIJU I IZGRADNJU VODOVODNE MREŽE NA PODRUČJU OPĆINE VOGOŠĆA, ZA PERIOD 2024-2026. GODINA

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1.	"Ipsa institut" d.o.o. Sarajevo	28.500,00	33.345,00
2.	"Institut za građevinarstvo IG" d.o.o. Banja Luka	30.330,00	35.486,10

LOT 2- IZRADA IDEJNIH I GLAVNIH PROJEKATA ZA REKONSTRUKCIJU I IZGRADNJU KANALIZACIONE MREŽE NA PODRUČJU OPĆINE VOGOŠĆA, ZA PERIOD 2024-2026. GODINA

R.B.	NAZIV PONUĐAČA	UKUPNA CIJENA (KM) bez PDV-a	POPUST	CIJENA SA POPUSTOM BEZ PDV-A (KM)	UKUPNA CIJENA (KM) sa PDV-om
1.	"TQM" d.o.o. Lukavac	23.500,00	/	/	27.495,00
2.	"Ipsa institut" d.o.o. Sarajevo	43.600,00	20%	34.880,00	40.809,60

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14 i 59/22), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača u Otvorenom postupku nabavke usluge izrade idejnih i glavnih projekata za izgradnju i rekonstrukciju vodovodne i kanalizacione mreže na području općine Vogošća, za period 2024-2026. godina kako slijedi:

LOT 1 - "Ipsa institut" d.o.o. Sarajevo, kao prvoplasiranom na Rang listi, sa ponuđenom ukupnom cijenom nabavke u iznosu od 28.500,00 KM bez uračunatog PDV-a, odnosno 33.345,00 KM sa uračunatim PDV-om;

LOT 2 - "TQM" d.o.o. Lukavac, kao prvoplasiranom na Rang listi, sa ponuđenom ukupnom cijenom nabavke u iznosu od 23.500,00 KM bez uračunatog PDV-a, odnosno 27.495,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo



Po Ovlaštenju Općinskog načelnika
Pomoćnik načelnika

Fetah Kadrić

Dostavljeno:

1. "Ipsa institut" d.o.o. Sarajevo
2. "TQM" d.o.o. Lukavac
3. "Institut za građevinarstvo IG" d.o.o. Banja Luka
4. Nadležnoj Službi
5. U dosije
6. a/a

info@ipsa-institut.com
komercijala@tqm.ba
info@institutig.ba